



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

LXXXVIII. Markgraf Hermann vereignet dem Kloster Lehnin eine Hebung
aus Langerwisch zur Verpflegung der Kranken im Hospital des Klosters, im
Jahre 1299.

Nutzungsbedingungen

[urn:nbn:de:hbz:466:1-54716](https://nbn-resolving.org/urn:nbn:de:hbz:466:1-54716)

LXXXVIII. Markgraf Hermann verzeignet dem Kloster Lehnin eine Hebung aus Langerwisch zur Verpflegung der Kranken im Hospital des Klosters, im Jahre 1299.

In villa Langerwisch habemus annuatim X solidos de quinque mansis, ut exinde languidi in domo hospitali decumbentes sustentationis solatio potiantur. Hermannus Marchio dedit Anno 1299.

Altes Verzeichniß Lehniner Urkunden. — Gercken VII, 333.

LXXXIX. Erzbischof Burchard verkauft die dem Kloster Lehnin im Jahre 1297 verpfändeten Hebungen diesem eigenthümlich, da er des Geldes zu einer Reise nach Rom. benöthigt ist, am 23. April 1300.

Borchardus, dei gracia archiepiscopus sancte Magdeburgensis ecclesie, omnibus in perpetuum salutem. Quoniam humane imbecillitas uite nequaquam in eodem statu subsistere diu ualet, set mutabilitati subiacent uniuersa, statuit consulta discretio ea, que geruntur, ne memoriam effugiant hominum, sigillatis apicibus aut uiua uoce testium perennari. Inotescat igitur presentibus et futuris, quod nos, accedente vnanimi nostri capituli consensu, vendidimus pro octuaginta marcis stendaliensis argenti et ponderis uiris religiosi Abbati et conuentui in Lenin proprietatem subscriptorum bonorum uidelicet trium talentorum in zvinez et quatuor talentorum in Resegane ac sex mansorum cum tribus Curiis in eadem villa locatis, nec non vnus talenti duorum mansorum cum vna curia in clepzek, Transferrentes easdem possessiones cum omni iure et iurisdictione absque angariis et perangariis aduocacie et cuiuscunque seruitutis grauamine in predictam ecclesiam Leninensem eo proprietatis tytulo, quo ad nostram ditionem hactenus pertinebant, Scilicet prefata bona nos vendere oportebat necessitate uiatici cum romanam adissemus curiam ad expensas. Testes dicti contractus hiis censentur nominibus: Bernardus prepositus, Godefridus decanus, Ropertus de Manvelde, Henricus scolasticus, Walterus de arnsten, Otto de brizna, ecclesie nostre canonici. Richardus dapifer de alleue, Henricus de alleue, Henningus de bardeleue, Tyle marscalcus, milites. Ut autem in prefatorum possessione bonorum dictum monasterium Lenin nullus in posterum impedire preualeat, huiusmodi formam contractus in hac pagina testimoniali expressam sigillo nostro nec non sigillo capituli nostri iussimus communiri. Actum et datum magdeburgh. Anno dominice incarnationis M°. CCC°. pridie ante Georgii Martiris, Pontificatus nostri anno III°.

Aus dem Original des Geh. Staats-Archives.